



Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Broj: 01/7-02-190/23
Sarajevo, 24.01.2023. godine

Primijeno: 25-01-2023			
Org. jed.	Broj	Priloga	Vrijednost

PREDSTAVNIČKOM DOMU PARLAMENTA FEDERACIJE BiH

Dana 24.01.2023. godine održana je 1. sjednica Komisije za informisanje Predstavničkog doma Parlamenta Federacije Bosne i Hercegovine (u daljem tekstu: Komisija). Sjednici Komisije prisustvovalo je 9 od ukupno 11 članova Komisije, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Konstituiranje radnog tijela i upoznavanje sa djelokrugom, zadacima i ovlaštenjima Komisije za informisanje utvrđenih Poslovnikom Predstavničkog doma Parlamenta Federacije BiH,
2. Prijedlog Budžeta Federacije BiH za 2023. godinu – hitni postupak,
3. Prijedlog Zakona o izvršavanju Budžeta Federacije BiH za 2023. godinu – hitni postupak,
4. Tekuća pitanja.

IZVJEŠTAJ

Ad-1. Konstituiranje radnog tijela i upoznavanje sa djelokrugom, zadacima i ovlaštenjima Komisije za informisanje utvrđenih Poslovnikom Predstavničkog doma Parlamenta Federacije BiH

Prisutni članovi Komisije su primili k znanju i prihvatili Odluku o izboru predsjednika, zamjenika predsjednika i članova radnih tijela Predstavničkog doma Parlamenta Federacije BiH, a koju je donio Predstavnički dom na nastavku konstituirajuće sjednice održane 11.01.2023. godine, te su time zvanično i konstituisana radna tijela.

Također, članovi Komisije su upoznati sa djelokrugom, zadacima i ovlaštenjima Komisije za informisanje, a koji su precizno utvrđeni na osnovu člana 63. Poslovnika Predstavničkog doma Parlamenta FBiH, gdje se kaže da Komisija za informisanje razmatra pitanja informisanja javnosti o radu Predstavničkog doma i radnih tijela Predstavničkog doma, predlaže odnosno preuzima mjere za unaprijeđivanje



informisanja javnosti o pitanjima koja se razmatraju i o kojima se odlučuje u Predstavničkom domu, stara se o ostvarivanju posebnog društvenog interesa Predstavničkog doma u javnim preduzećima informativne djelatnosti čiji je osnivač Federacija, u skladu sa Zakonom, te razmatra nacрте i prijedloge zakona, drugih propisa i općih akata i druga pitanja iz oblasti informisanja i daje mišljenja i prijedloge Predstavničkom domu.

Ad-2. Prijedlog Budžeta Federacije BiH za 2023. godinu – hitni postupak

Uvodno izlaganje dao je prisutni predlagač, odnosno predstavnik Federalnog ministarstva finansija Vlade Federacije Bosne i Hercegovine, nakon čega je Komisija obavila diskusiju i pristupila glasanju, te jednoglasno donijela sljedeći

Zaključak

Komisija za informisanje Predstavničkog doma Parlamenta Federacije Bosne i Hercegovine prihvata Prijedlog Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.

Ad-3. Prijedlog Zakona o izvršavanju Budžeta Federacije BiH za 2023. godinu – hitni postupak

Nakon uvodnog izlaganja prisutnih predstavnika Federalnog ministarstva finansija Vlade Federacije Bosne i Hercegovine, Komisija je jednoglasno donijela sljedeći

Zaključak

Komisija za informisanje Predstavničkog doma Parlamenta Federacije Bosne i Hercegovine prihvata Prijedlog Zakona o izvršavanju Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.

Ad-4. Tekuća pitanja

Pod tekućim pitanjima članovi Komisije za informisanje su iznijeli svoje prijedloge u vezi budućeg plana rada Komisije i jednoglasno konstatirali sljedeće:



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

- Komisija za informisanje će tražiti od rukovodstva Predstavničkog doma Parlamenta Federacije BiH da se omogući uživo prijenos sjednica Predstavničkog doma putem Javnog servisa Radio-televizije Federacije Bosne i Hercegovine i da se poboljša i modernizira direktan prijenos sjednica Predstavničkog doma putem Youtube kanala;
- Komisija za informisanje će u što skorijoj budućnosti održati zajedničke radne sastanke sa rukovodstvom Radio-televizije Federacije Bosne i Hercegovine kao i sa rukovodstvom Federalne novinske agencije (FENA) gdje će se razgovarati o trenutnom stanju i statusu kao i uslovima rada u ovim medijskim servisima, poboljšanju rada, njihovim problemima sa kojima se susreću i pronalaženju rješenja za eventualne postojeće probleme u radu i
- Komisija za informisanje će uputiti zahtjev prema rukovodstvu Radio-televizije Federacije Bosne i Hercegovine u kojem će tražiti izjašnjenje u vezi mijenjana punog naziva Javnog radio-televizijskog servisa i istupanja u javnom predstavljanju mimo Ustava Federacije Bosne i Hercegovine, Zakona o Javnom servisu Radio-televizije Federacije Bosne i Hercegovine i Statuta Radio-televizije Federacije Bosne i Hercegovine.

Za izvjestioca Komisije na sjednici Predstavničkog doma Parlamenta Federacije BiH, koji će razmatrati ove materijale, određen je Sanel Kajan, predsjednik Komisije za informisanje.

PREDSJEDNIK KOMISIJE

Sanel Kajan